

18/03/2025

Aizawl

1830Hrs

REGIONAL NEWS

HEADLINES:-

1. LADC a CEM Pu V.Zirsanga'n thlawptu a neih dan vawiina fiah hmain Session kaihruaitu tur Chairman leh Deputy Chairman te banna thehluh avangin Session neih theih a nilo.
2. DP&AR Minister Pu K.Sapdanga'n kuminah MCS post ruak 50 zinga 15 hnawhkhah tum a ni a ti.
3. Prime Minister Narendra Modia chuan Prayagraj-a Maha Kumbh hman zawh tak chuan India intungding chho mek a entir tih a sawi.
4. Israel leh Hamas te inkahhai chu bawhchhiat niin Gaza strip-ah inkahna engemawzat a thleng.

<><><>

LADC

Lai Autonomous District Council a Chief Executive Member Pu V.Zirsanga'n thlawptu a neih dan fiah tura vawiin a LADC Session koh chu, Session kaihruaitu tur Chairman leh Deputy Chairman ten Session tanhmaa banna an thehluh vangin Session hi neih theih a nilo.

LADC ah hian Governor in Chief Executive Member atan Pu V.Zirsanga chu thlahlui February 24 khan a ruat a, CEM atan ruat a nih atanga Ni 30 chhungin House ah CEM in thlawptu a neihdan fiahtura Governor in a tih angin Chairman Pu V.L.Hmuaka chuan vawiin hian LADC Session a kova, Session tan hmain Chairman Pu V.L.Hmuaka leh Deputy Chairman Pu H.Lalmuansanga ten an nihna atanga banna an thehluh vangin Chief Executive Member, Vote of Confidence neih tur chu neih theih a ni ta lo a ni.

Hetihlai hian nimina Executive Member atana rinawmna thu tiamtira lakluh zing a mi Pu BN Thangpuia chuan vawiin khan Chief Executive Member hnenah LADC a Executive Member a nihna atanga banna a thehlut a, Pu BN Thangpuia hi Art & Culture, PHE, Industry leh Co Operation Department enkawltura tih a ni.

Executive Member Pu BN Thangpuia banna hi CEM chuan a pawm thu hriat a nilova, Pu BN Thangpuia hian ZPM Party a chhuahsan thu pawh hriat a nilo.

Kan corr report lo ngaithla ang.

<><><>

AIZAWL TREASURY MARKET

Aizawl Municipal Corporation (AMC) chuan thupek tichhuak in nimina kang Aizawl Treasury bazar chu luhchhuah theih lova hung ani dawn tih an tarlang.

AMC thuchhuah tarlan danin Aizawl Treasury bazar chu a chhehvela Mizoram Legislative Assembly leh hmun pawimawh hrang hrang awmna anih avangin Tuikual South-a AMC Multi-Complex Building ah sawn thlak a ni dawn a, Treasury bazar chu dan kengkawhtute hmalakna tibuaile tur leh mipui kal theih lova hung a ni dawn tih sawiin Treasury bazar-a inzuar thu thin te chu AMC Multi Complex lamah sawn thlak vek

anni dawn tih an sawi a, thupek chu Mizoram Legislative Assembly himna tur leh mipui himna tur zawka ruahman anih thu an sawi a ni. Hetihlai hian Aizawl Treasury Bazar Association President Pu HL Chhingpuia chuan Treasury bazar-a eizawngte chu mi harsa tak tak annih avangin an eizawna tawp mai tur chu an ui a, chhuahsan an duhlo tih a sawi a, sawrkarin insawna tura a ruahman Tuikual South-a AMC Multi-Complex Building chu hmun biru anih avangin an eizawna a chhiat phah vek dawn a ti a, sawrkar chuan an dinhmun hrethiam a, hmalak sak ngei se an duh tih sawiin Aizawl Treasury Bazar-a an thut leh ngei theih nan hma an la zel dawn tih an sawi.

<><><>

SAMAGRA

School Education Department Minister, Dr.Vanlalhlana'n ZPM kaihhruai sorkar hnuah advertisement tel lova zirtirtu lak a awm lo a ti.

Education Minister chuan vawiina Assembly rorel inkhawma Hrangturzo bialtu MLA, Pu Lalmuanpuia Punte zawhna a chhannaah, ZPM kaihhruai sorkar hnuah advertisement tel lova zirtirtu lak a awm loh thu House a hrilh a, an chhinchhiah danah chuan advertisement kaltlang hian zirtirtu 1507 an la tawh a, MNF kaihhruai sorkar hmasa hnuaiah khan kum 5 chhungin advertisement tel lovin SAMAGRA hnuaiah zirtirtu 600 chuang lak a ni a ti.

Minister chuan Cabinet Meeting-in SAMAGRA Teacher te regularised tura a pass tawh chu Education Department-in a bawh zui nghal a, Mizoram sorkar hnuaia School Education Department, Additional Secretary, Chairman-na hnuaiah a zirchiangtu tur Study Team din in an zir chiang mek tih a sawi a. Tun dinhmunah seniority tih fel a la ni lo tih sawiin, kum 2024 September ni 21 khan Provisional Cadre-wise inter se-seniority an tichhuak a, hemi chungchanga representation dawnte chu a tam tham deuh avangin an zir chiang mek tih a sawi a. He scheme in a duh dan ang a hna hrang hranga tling an nih chuan kum 10 service tlingte chu dah ngheh tum an nih thu House a hrilh bawk a ni.

<><><>

MINISTER DEMAND

Personnel & Administrative Reforms Department changtu Minister Pu K.Sapdanga'n kuminah MCS post ruak 50 zinga 15 hnawhkhah tum a ni a ti.

He thu hi vawiina Assembly rorel inkhawma zawhna leh chhanna hunah sawiin, Minister chuan tun dinhmunah MCS junior grade post awm zat 82 zinga 32 chu hnawhkhah tawh niin, post zaa 61, post 50 a ruak mek a, kuminah post 15 hnawhkhah tum a ni a ti.

Minister chuan Special voluntary retirement scheme chu hman theih tawh a nih thu sawiin, kumin January ni 21 khan sorkar chuan Gazette-ah a chhuah tawh a, sorkar chuan Special voluntary retirement scheme hi hmang turin tumah a ti lui thei lova, mimal hnathawk thei lo ten he scheme hi an dil tur a ni a, DP&AR-in a hriat theih chinah he scheme hnuaiah hian retire an la awm lo tih House a hrilh bawk a ni.

Minister cuan Mizoram Public Service Commission, MPSC tihchak nan kum 2024 khan thawktu 3, Assistant Grade pahnih leh UDC pakhat a lak belh a, kumin 2025 hian Assistant Grade -1, LDC -5, Group D-5, an vaiin 11 lak belh tur te written result nghah mek a nih thu sawiin, MSSSB thiah a nih tak avangin an bungrua zawng zawng chu MPSC-in a hmang chhunzawm a ti.

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar hi puan leh a ni ang.

<><><>

PM IN LOK SABHA

Prime Minister Narendra Modia chuan Prayagraj-a Maha Kumbh hman zawh tak chuan India intungding chho mek a entir tih a sawi. Vawiina Lok Sabha rorel inkhawmah he thu hi sawiin Pu Modia chuan Maha Kumbh ah khan khawvelin India thiltihtheihna an hmuh thu asawi a. Hnam chi hrang hrang inpumkhatna chu India danglamna a nih thu sawiin khawvelin harsatna a tawh mek laiin hetiang a hnam inpumkhatna pholang tur hun ropui tak siam a ni chuan ram chak zia a tarlang tih a sawi baw a ni.

<><><>

ISRAEL-PALESTINIAN

Israel leh Hamas te inkahhai chu bawhchhiat niin Gaza strip-ah inkahna engemawzat a thleng. Palestinian thuneitute sawidanin Israel sipaiten tukin khan mi 200 chuang an kaphlum a. An zinga a tam zawk chu naupang an nih thu an sawi a. Kumin January ni 19 a inkahhai puan anih hnua in beihna nasa ber anih thu an sawi a ni.

<><><>